


十三經註

0712  
479  
60





21  
60

明 D 12  
疏  
卷

東

春秋左傳註卷第五十六

定公十年  
盡十五年

錢  
有

晉 杜 預 註

經十年春王三月及齊平

平前八年再侵齊之怨

夏公會齊侯于夾谷

平故

公至自夾谷

無傳

春秋左傳卷五十六 定公 一 晉 三 婁



晉趙鞅帥師圍衛

齊人來歸鄆讎陰田

三邑皆汶陽田也泰山博縣北有龜山陰田在其北也會夾谷孔子相齊人服義而歸魯田

叔孫州仇仲孫何忌帥師圍郕

郕叔孫氏邑

秋叔孫州仇仲孫何忌帥師圍郕

宋樂大心出奔曹

傳在前年春書名罪其稱疾不適晉

宋公子地出奔陳

貪弄馬以距君命書名罪之也

冬齊侯衛侯鄭游速會于安甫

無傳安甫地闕

叔孫州仇如齊

宋公之弟辰暨仲佗石彊出奔陳

春秋左傳

卷五十六

定公

二

晉古樓



暨與也宋公寵向魋不聽辰請辰忿而將大臣出奔虛請自忿稱弟示首惡也仲佗石彊皆爲國卿不能匡君靜難而爲辰所牽帥出奔稱名亦罪之也

傳十年春及齊平

夏公會齊侯于祝其夾谷孔邱相犁彌言於齊侯曰孔邱知禮而無勇若使萊人以兵劫魯侯必得志焉齊侯從之孔邱以公退曰

士兵之兩君合好而裔夷之俘以兵亂之非齊君所以命諸侯也裔不謀夏夷不亂華俘不干盟兵不偪好於神爲不祥於德爲愆義於人爲失禮君必不然齊侯聞之遽辟之將盟齊人加於載書曰齊師出竟而不以甲車三百乘從我者有如此盟孔邱使茲無還揖對曰而不反我汶陽之田吾以共命者亦如之齊侯將享公孔邱謂梁邱據曰齊魯之故



吾子何不聞焉事既成矣而又享之是勤執  
 事也且犧象不出門嘉樂不野合饗而既具  
 是棄禮也若其不具用秕稗也用秕稗君辱  
 棄禮名惡子盍圖之夫享所以昭德也不昭  
 不如其已也乃不果享齋以制反辟婢亦反  
 還音旋秕音鄙稗皮

反賣

夾谷即祝其也相會儀也萊人齊所滅萊  
 夷也士兵之令以士兵擊萊人也裔遠也

於神為不祥謂盟將告神犯之為不善辟  
 之辟去萊兵也如此盟謂如此盟詛之禍  
 無還魯大夫不反田而共命亦如之謂須  
 齊歸汶陽田乃當共齊命於是孔子以公  
 退賤者終其事要盟不潔故畧不書故舊  
 典事既成會事成也犧象酒器犧尊象尊  
 也嘉樂鐘磬也秕穀不成者稗草之似穀  
 者言享不具禮穢薄若秕稗孔子知齊侯



懷詐故以禮距之

齊人來歸鄆謹龜陰之田

陽虎九年以此奔齊經文倒者次魯事

晉趙鞅圍衛報夷儀也初衛侯伐邯鄲午於  
寒氏城其西北而守之宵燿及晉圍衛午以  
徒七十人門於衛西門殺人於門中曰請報  
寒氏之役涉佗曰夫子則勇矣然我往必不  
敢啓門亦以徒七十人旦門焉步左右皆至

而立如植日中不啓門乃退反役晉人討衛  
之叛故曰由涉佗成何於是執涉佗以求成  
於衛衛人不許晉人遂殺涉佗成何奔燕君  
子曰此之謂棄禮必不鈞詩曰人而無禮胡  
不遄死涉佗亦遄矣哉邯鄲音寒丹  
燿子潛反

晉報夷儀以前年齊爲衛伐晉夷儀故伐  
衛以爲報邯鄲廣平縣也午晉邯鄲大夫  
寒氏卽五氏也前年衛人助齊伐五氏宵

春秋左傳卷五十六 定公 五 晉古婁



燔謂午眾宵散殺人門中言衛開門與午  
 鬪步左右立如植謂至其門下步行門左  
 右然後立待如立木不動以示整衛叛由  
 涉佗以接衛侯手故棄禮不鈞言必見殺  
 不得與人等詩邶風邁速也

初叔孫成子欲立武叔公若蕤固諫曰不可  
 成子立之而卒公南使賊射之不能殺公南  
 為馬正使公若為郕宰武叔既定使郕馬正

侯犯殺公若弗能其圍人曰吾以劍過朝公  
 若必曰誰之劍也吾稱子以告必觀之吾偽  
 固而授之末則可殺也使如之公若曰爾欲  
 吳王我乎遂殺公若侯犯以郕叛武叔懿子  
 圍郕弗克秋二子及齊師復圍郕弗克叔孫  
 謂郕工師駟赤曰郕非唯叔孫氏之憂社稷  
 之患也將若之何對曰臣之業在揚水卒章  
 之四言矣叔孫稽首駟赤謂侯犯曰居齊魯



之際而無事必不可矣子盍求事於齊以臨  
民不然將叛侯犯從之齊使至駟赤與郈人  
爲之宣言於郈中曰侯犯將以郈易于齊齊  
人將遷郈民眾兇懼駟赤謂侯犯曰眾言異  
矣子不如易於齊與其死也猶是郈也而得  
紓焉何必此齊人欲以此偪魯必倍與子地  
且盍多舍甲於子之門以備不虞侯犯曰諾  
乃多舍甲焉侯犯請易於齊齊有司觀郈將

至駟赤使周走呼曰齊師至矣郈人大駭介  
侯犯之門甲以圍侯犯駟赤將射之侯犯止  
之曰謀免我侯犯請行許之駟赤先如宿侯  
犯殿每出一門郈人閉之及郭門止之曰子  
以叔孫氏之甲出有司若誅之羣臣懼死駟  
赤曰叔孫氏之甲有物吾未敢以出犯謂駟  
赤曰子止而與之數駟赤止而納魯人侯犯  
奔齊齊人乃致郈射音石爲之于僞反兇凶  
勇反紆音舒呼去聲數色



藐叔孫氏之族公南叔孫家臣武叔之黨  
圍人武叔之圍人僞固而授之末言僞爲  
固陋不知禮者以劔鋒末授之爾欲吳王  
我謂見劔向已逆呵之鱗諸殺吳王亦用  
劔刺之侯犯以邠叛犯以不能副武叔之  
命故叛叛而以圍告廟故書圍工師掌工  
匠之官揚水詩唐風卒章四言曰我聞有

命叔孫稽首謝其受已命無事言無所服  
事駟亦宣言於邠中詐爲齊使言也遷邠  
民謂易其民人眾兇懼不欲遷也赤曰眾  
言異謂不與始同子不如易於齊言以邠  
民易取齊人與邠無異勝於守邠爲叛人  
所殺倍與子地言非徒得民又將得齊地  
赤將射之僞爲侯犯射邠人請行許之邠  
人許之也宿東平無鹽縣故宿國邠人閉



之謂閉其後門誅責也叔孫之甲有物物  
識也赤還救侯犯也與之數謂數甲以相  
付齊人致郈致其名簿也為下武叔如齊  
傳

宋公子地嬖遽富獵十一分其室而以其五  
與之公子地有白馬四公嬖向魍魎欲之公  
取而朱其尾鬣以與之地怒使其徒扶魍而  
奪之魍懼將走公閉門而泣之曰盡腫母弟

辰曰子分室以與獵也而獨卑魍亦有頗焉  
子為君禮不過出竟君必止子公子地出奔  
陳公弗止辰為之請弗聽辰曰是我廷吾兄  
也吾以國人出君誰與處冬母弟辰暨仲佗  
石彊出奔陳扶救乙反頗普  
多反廷求往反

地宋景公弟辰之兄也以五與之與富獵  
也向魍司馬桓魋也朱馬尾鬣以與之與  
魍也子為君禮禮辟君也廷欺也佗仲幾  
春火左傳卷五十六 定公 九 稽古樓



子彊褚師段子皆宋卿眾之所望故言國

人

武叔聘于齊齊侯享之曰子叔孫若使郕在君之他竟寡人何知焉屬與敝邑際故敢助君憂之對曰非寡君之望也所以事君封疆社稷是以敢以家隸勤君之執事夫不令之臣天下之所惡也君豈以為寡君賜屬音燭武叔聘齊謝致郕也經書辰奔在聘後者

從告也齊侯享之以致郕德叔孫以猶為也豈為寡君賜言義在討惡非所以賜寡君

經十有一年春宋公之弟辰及仲佗石彊公子地自陳入于蕭以叛

蕭宋邑稱地例在前年

夏四月

秋宋樂大心自曹入于蕭

春秋左傳卷五十六 定公 十 晉古婁



入蕭從叛人叛可知故不書叛

冬及鄭平

平六年侵鄭取匡之怨

叔還如鄭涖盟還音旋

還叔詐會孫

傳十一年春宋公母弟辰暨仲佗石彊公子地入于蕭以叛秋樂大心從之大為宋患寵向魑故也

惡宋公寵不義以致國患

冬及鄭平始叛晉也

魯自僖公以來世服於晉至今而叛故曰始

經十有二年春薛伯定卒

無傳四年盟臯鼫

夏葬薛襄公

無傳

春秋左傳卷五十六 定公 十一 晉古婁



春秋

叔孫州仇帥師墮郈

墮毀也患其險固故毀壞其城

衛公孟彊帥師伐曹

彊孟縶子

季孫斯仲孫何忌帥師墮費

秋大雩

無傳書過

冬十月癸亥公會齊侯盟于黃

和

無傳結叛晉

十有一月丙寅朔日有食之

無傳

公至自黃

無傳

十有二月公圍成公至自圍成

無傳國內而書至者成彊若列國興動大

眾故出入皆告廟

春秋左傳

卷五十六

定公

十二

七旨古婁



傳十二年夏衛公孟彊伐曹克郊還滑羅殿未出不退於列其御曰殿而在列其為無勇乎羅曰與其素厲甯為無勇滑于反

郊曹邑羅衛大夫未出曹竟羅不退在行列之後素空也厲猛也言伐小國當如畏者以誘致之

仲由為季氏宰將墮三都於是叔孫氏墮郈季氏將墮費公山不狃叔孫輒帥費人以襲

魯公與三子入于季氏之宮登武子之臺費人攻之弗克入及公側仲尼命申句須樂頎下伐之費人北國人追之敗諸姑蔑二子奔齊遂墮費將墮成公斂處父謂孟孫墮成齊人必至于北門且成孟氏之保障也無成是無孟氏也子偽不知我將不墮冬十二月公圍成弗克句音劬頎音祈

仲由子路三都費郈成也彊盛將為國害

春秋左傳卷五十六 定公 十三 稽古樓



春秋  
故仲由欲毀之不狃與輒帥費以襲魯不  
狃費宰也輒不得志於叔孫氏入及公側  
至臺下也申句須樂頎二子魯大夫仲尼  
時為司寇二子奔齊二子不狃叔孫輒齊  
人必至北門以成在魯北竟故偽不知佯  
不知也

經十有三年春齊侯衛侯次于垂葭

二君將使師伐晉次垂葭以為之援

夏築蛇淵囿

無傳書不時也

大蒐于比蒲

無傳夏蒐非時

衛公孟彊帥師伐曹

無傳

晉趙鞅入于晉陽以叛

書叛惡可知

春秋左傳卷五十六 定公 十四 稽古樓



冬晉荀寅士吉射入于朝歌以叛

吉射士鞅子

晉趙鞅歸于晉

韓魏請而復之故曰歸言韓魏之強猶列

國

薛弒其君比

無傳稱君無道

傳十三年春齊侯衛侯次于垂葭實郟氏使

師伐晉將濟河諸大夫皆曰不可邴意茲曰  
可銳師伐河內傳必數日而後及絳絳不三  
月不能出河則我既濟水矣乃伐河內齊侯  
皆斂諸大夫之軒唯邴意茲乘軒齊侯欲與  
衛侯乘與之宴而駕乘廣載甲焉使告曰晉  
師至矣齊侯曰比君之駕也寡人請攝乃介  
而與之乘驅之或告曰無晉師乃止

丙傳張戀反乘廣  
並去聲比必利反

春秋左傳

卷五十六

定公

十五

稽古樓



垂葭改名鄆氏高平鉅野縣西南有鄆亭  
 意茲齊大夫河內今河內汲郡傳必數日  
 傳告晉也唯意茲乘軒以其言當與乘共  
 載也請攝謂以已車攝代衛車介而與乘  
 驅之或告無晉師乃止傳言齊侯輕所以  
 不能成功

晉趙鞅謂邯鄲午曰歸我衛貢五百家吾舍  
 諸晉陽午許諾歸告其父兄父兄皆曰不可

衛是以爲邯鄲而宣諸晉陽絕衛之道也不  
 如侵齊而謀之乃如之而歸之于晉陽趙孟  
 怒召午而囚諸晉陽使其從者說劍而入涉  
 賓不可乃使告邯鄲人曰吾私有討於午也  
 二子唯所欲立遂殺午趙稷涉賓以邯鄲  
 叛夏六月上軍司馬籍秦圍邯鄲邯鄲午荀  
 寅之甥也荀寅范吉射之姻也而相與睦故  
 不與圍邯鄲將作亂董安于聞之告趙孟曰  
 晉火左傳



春秋  
先備諸趙孟曰晉國有命始禍者死爲後可  
也安于曰與其害於民寧我獨死請以我說  
趙孟不可秋七月范氏中行氏伐趙氏之宮  
趙鞅奔晉陽晉人圍之范皋夷無寵於范吉  
射而欲爲亂於范氏梁嬰父嬖於知文子文  
子欲以爲卿韓簡子與中行文子相惡魏襄  
子亦與范昭子相惡故五子謀將逐荀寅而  
以梁嬰父代之逐范吉射而以范皋夷代之

荀躒言於晉侯曰君命大臣始禍者死載書  
在河今三臣始禍而獨逐鞅刑已不鈞矣請  
皆逐之冬十一月荀躒韓不信魏曼多奉公  
以伐范氏中行氏弗克二子將伐公齊高彊  
曰三折肱知爲良醫唯伐君爲不可民弗與  
也我以伐君在此矣三家未睦可盡克也克  
之君將誰與若先伐君是使睦也弗聽遂伐  
公國人助公二子敗從而伐之丁未荀寅士



春秋

卷五十六

吉射奔朝歌韓魏以趙氏為請十二月辛未

趙鞅入于絳盟于公宮以為去聲說劍他活反行戶郎反知音智

折之設反

舍諸晉陽以十年趙鞅圍衛衛人懼貢五

百家鞅置之邯鄲今欲徙置晉陽晉陽趙

鞅邑衛為邯鄲言衛以五百家在邯鄲常

為是故與邯鄲親侵齊謀之言侵齊則齊

當來報欲因懼齊而徙則衛與邯鄲好不

絕如之而歸謂欲如是謀而後歸衛貢召

午囚諸晉陽以趙鞅不察其謀謂午不用

命故囚之涉賓午家臣不肯說劍入欲謀

叛唯所欲立以午趙鞅同族別封邯鄲故

使邯鄲人更立午宗親稷趙午子荀寅吉

射之姻壻父曰姻荀寅子娶吉射女作亂

攻趙鞅安于趙氏臣也寧獨我死懼見攻

必傷害民請以我說言晉國若討可殺我

春秋左傳

卷五十六

定公

十六

晉古婁



以自解說皋夷范氏側室于文子荀躒簡  
子韓起孫不信也中行文子荀寅也襄子  
魏舒孫曼多也昭子士吉射五子范皋夷  
梁嬰父知文子韓簡子魏襄子載書在河  
謂爲盟書沈之河高彊齊子尾之子昭十  
年奔魯遂適晉三家知韓魏韓魏以趙氏  
爲請經所以書趙鞅歸入絳盟公宮傳錄  
晉哀亂

初衛公叔文子朝而請享靈公退見史鮪而  
告之史鮪曰子必禍矣子富而君貧罪其及  
子乎文子曰然吾不先告子是吾罪也君既  
許我矣其若之何史鮪曰無害子臣可以免  
富而能臣必免於難上下同之戍也驕其亡  
乎富而不驕者鮮吾唯子之見驕而不亡者  
未之有也戍必與焉及文子卒衛侯始惡於  
公叔戌以其富也公叔戌又將去夫人之黨



夫人愬之曰戍將為亂餽音

請享靈公欲令公臨其家史鮒史魚臣可  
以免言能執臣禮上下同之言尊卑皆然  
戍文子之子戍必與謂與禍難也夫人之  
黨靈公夫人南子黨宋朝之徒愬戍為亂  
為明年戍來奔傳

宋經十有四年春衛公叔戍來奔衛趙陽出奔

陽趙厲孫書名者親富不親仁

二月辛巳楚公子結陳公孫佗人帥師滅

以頓子牂歸佗徒何反

夏衛北宮結來奔

亦黨公叔戍皆惡之

五月於越敗吳子槁李

於越越國也使罪人詐吳亂陳故從未陳  
之例書敗也槁李吳郡嘉興縣南醉李城

春秋左傳卷五十六 定公 二十 晉平 夢



吳子光卒

未同盟而赴以名

公會齊侯衛侯于牽

魏郡黎陽縣東北有牽城

公至自會

無傳

秋齊侯宋公會于洮

洮曹地

天王使石尚來歸賑

無傳石尚天子之士石氏尚名賑祭社之  
肉盛以賑器以賜同姓諸侯親兄弟之國  
與之共福

衛世子蒯聩出奔宋

衛公孟彊出奔鄭

彊書名與蒯聩黨罪之

宋公之弟辰自蕭來奔

春秋左傳

卷五十六

定公

三十一

卷五十六



春秋  
無傳稱宋公之弟例在十年

大蒐于比蒲

邾子來會公

無傳會公于比蒲來而不用朝禮故曰會

城莒父及霄

無傳公叛晉助范氏故懼而城二邑也此

年無冬史闕文

傳十四年春衛侯逐公叔戌與其黨故趙陽

奔宋戌來奔

終史魚之言

梁嬰父惡董安于謂知文子曰不殺安于使  
終為政於趙氏趙氏必得晉國蓋以其先發  
難也討於趙氏文子使告於趙孟曰范中行  
氏雖信為亂安于則發之是安于與謀亂也  
晉國有命始禍者死二子既伏其罪矣敢以  
告趙孟患之安于曰我死而晉國寧趙氏定

春秋左傳

卷五十六

定公

二十三

晉古虞



將焉用生人誰不死吾死莫矣乃縊而死趙

孟戶諸市而告於知氏曰主命戮罪人安于

既伏其罪矣敢以告知伯從趙孟盟而後趙

氏定祀安于於廟與去聲

敢以告告使討安于知伯荀躒祀安于於

廟謂趙氏廟也

頓子牂欲事晉背楚而絕陳好二月楚滅頓

傳言小不事大所以亡

夏衛北宮結來奔公叔戍之故也

吳伐越越子句踐禦之陳于檣李句踐患吳

之整也使死士再禽焉不動使罪人三行屬

劍於頸而辭曰二君有治臣奸旗鼓不敏於

君之行前不敢逃刑敢歸死遂自剄也師屬

之目越子因而伐之大敗之靈姑浮以戈擊

闔廬闔廬傷將指取其一履還卒於陘去檣

李七里夫差使人立於庭荀出入必謂已曰

左傳卷五十六 定公 三三 晉古婁



春秋

卷五十六

夫差而忘越王之殺而父乎則對曰唯不敢

忘三年乃報越行音杭屬之欲反

吳伐越報五年越入吳句踐越王允常子

使死士再禽不動謂使敢死之士往輒為

吳所禽欲使吳師亂取之而吳不動屬劍

於頸以劍注頸也二君有治治軍旅也臣

奸旗鼓犯軍令也姑浮越大夫取其一履

謂其足大指見斬遂失履姑浮取之還卒

於徑釋經所以不書滅夫差闔廬嗣子三

年報越後三年哀元年

晉人圍朝歌公會齊侯衛侯于脾上梁之間

謀救范中行氏析成鮒小王桃甲率狄師以

襲晉戰于絳中不克而還士鮒奔周小王桃

甲入于朝歌秋齊侯宋公會于洮范氏故也

脾梁閒即牽也謀救范氏以齊魯叛晉故

助范中行也成鮒桃甲二子晉大夫范中

春秋左傳卷五十六定公 二 晉古婁



行氏之黨會洮以范氏故亦謂謀救范氏也

衛侯為夫人南子召宋朝會于洮天子蒯聵獻孟于齊過宋野野人歌之曰既定爾婁豬盍歸吾艾豬天子羞之謂戲陽速曰從我而朝少君少君見我我顧乃殺之速曰諾乃朝夫人夫人見天子三顧速不進夫人見其色啼而走曰蒯聵將殺余公執其手以登

臺天子奔宋盡逐其黨故公孟彊出奔鄭自鄭奔齊天子告人曰戲陽速禍余戲陽速告人曰天子則禍余天子無道使余殺其母余不許將戕於余若殺夫人將以余說余是故許而弗為以紓余死諺曰民保於信吾以信義也殺音加戲平聲

南子宋女也朝宋公子舊通于南子在宋呼之蒯聵衛靈公天子孟邑名也就會獻

春秋左傳卷五十六 定公 五 晉古婁



之故自衛行而過宋野婁豬求子豬以喻  
 南子艾緞喻宋朝艾老也速天子家臣夫  
 人見其色謂見天子色變知其欲殺已戕  
 殘殺也吾以信義謂使義可信不必信言  
 冬十二月晉人敗范中行氏之師於潞獲籍  
 秦高彊又敗鄭師及范氏之師于百泉  
 籍秦高彊二子黨范氏者終景王言籍父  
 無後又敗鄭師以鄭助范氏故并敗

經十有五年春王正月邾子來朝

饑鼠食郊牛牛死改卜牛

饑音兮

無傳不言所食處舉死重也改卜禮也

二月辛丑楚子滅胡以胡子豹

夏五月辛亥郊

無傳書過

壬申公薨于高寢

高寢宮名不於路寢失其所

春秋左傳卷五十六 定公 十六 稽古樓



春秋

鄭罕達帥師伐宋

齊侯衛侯次于渠蔭

蔭直居反

不果救故書次

邾子來奔喪

無傳諸侯奔喪非禮

秋七月壬申妣氏卒

定公夫人

八月庚辰朔日有食之

無傳

九月滕子來會葬

無傳諸侯會葬非禮也

丁巳葬我君定公雨不克葬戊午日下昃乃

克葬辛巳葬定妣

辛巳十月三日有日無月

冬城漆

邾庶其邑

春秋左傳

卷五十六

定公

三

魯古樓



春秋

稱古林

傳十五年春邾隱公來朝子貢觀焉邾子執  
 玉高其容仰公受玉卑其容俯子貢曰以禮  
 觀之二君者皆有死亡焉夫禮死生存亡之  
 體也將左右周旋進退俯仰於是乎取之朝  
 祀喪戎於是乎觀之今正月相朝而皆不度  
 心已亡矣嘉事不體何以能久高仰驕也卑  
 俯替也驕近亂替近疾君為主其先亡乎替他

反計

邾隱公邾子益也玉朝者之贊不度謂不  
 合法度嘉事朝禮也君其先亡為此年公

薨哀七年以邾子益歸傳

吳之入楚也胡子盡俘楚邑之近胡者楚既  
 定胡子豹又不事楚曰存亡有命事楚何為  
 多取費焉二月楚滅胡

吳入楚在四年俘取也胡不事楚楚滅胡

傳言小不事大所以亡

春秋左傳卷五十六 定公 二十八 稽古樓



春秋

夏五月壬申公薨仲尼曰賜不幸言而中是使賜多言者也

以微知著知之難者子貢言語之士今言而中仲尼懼其易言故抑之

鄭罕達敗宋師于老邱

罕達子齋之子老邱宋地宋公子地奔鄭鄭人爲之伐宋欲取地以處之事見哀十

二年

齊侯衛侯次于濰罕謀救宋也

罕女居反

秋七月壬申妣氏卒不稱夫人不赴且不耐也葬定公雨不克襄事禮也葬定妣不稱小君不成喪也

赴同耐姑夫人之禮二者皆闕故不曰夫人葬定公雨不克襄事襄成也雨不成事若汲汲於欲葬葬定妣以公未葬而夫人薨煩於喪禮不赴不耐故不稱小君臣子

春秋左傳

卷五十六

定公

三

稽古樓



春秋左傳註卷第五十六終

怠慢也反哭於寢故書葬

冬城漆書不時告也

實以秋城冬乃告廟魯知其不時故緩告從而書之以示譏

春秋左傳註卷第五十六終

春秋左傳註卷第五十七

哀元年 盡五年

晉 杜 預 註

哀公

名蔣定公之子蓋夫人定嬖所生敬王二十八年即位諡法恭仁知折曰

哀

經元年春王正月公即位

無傳

楚子陳侯隨侯許男圍蔡

隨世服於楚不通中國吳之入楚昭王奔

春秋左傳

卷五十七

哀公

一

稽古樓



春秋

卷五十七

隨隨人免之卒復楚國楚人德之使列於諸侯故得見經定六年鄭滅許此復見者蓋楚封之

鼯鼠食郊牛改卜牛

夏四月辛巳郊

無傳書過也不言所食非一處

秋齊侯衛侯伐晉

冬仲孫何忌帥師伐邾

無傳

傳元年春楚子圍蔡報柏舉也里而栽廣丈高倍夫屯晝夜九日如子西之素蔡人男女以辨使疆于江汝之間而還蔡於是乎請遷

于吳

栽音再廣古曠反屯徒門反疆居良反

柏舉事在定四年栽設版築為圍壘周匝去蔡城一里廣丈高倍謂壘厚一丈高二丈夫猶兵也壘未成故令人在壘裏屯守

春秋左傳

卷五十七

哀公

二

稽古樓



蔡如子西之素子西本計為壘當用九日而成辨別也蔡人男女各別係壘而出降疆于江汝楚欲使蔡徙國在江水之北汝水之南求田以自安也蔡權聽命故楚師還請遷于吳楚既還蔡人更叛楚就吳為

明年蔡遷州來傳

吳王夫差敗越于夫椒報檣李也遂入越越子以甲楯五千保于會稽使大夫種因吳大

宰嚭以行成吳子將許之伍員曰不可臣聞之樹德莫如滋去疾莫如盡昔有過澆殺斟灌以伐斟鄩滅夏后相后緡方娠逃出自竇歸于有仍生少康焉為仍牧正其澆能戒之澆使椒求之逃奔有虞為之庖正以除其害虞思於是妻之以二姚而邑諸綸有田一成有眾一旅能布其德而兆其謀以收夏眾撫其官職使女艾謀澆使季杼誘豷遂滅過戈



復禹之績祀夏配天不失舊物今吳不如過  
而越大於少康或將豐之不亦難乎句踐能  
親而務施施不失人親不棄勞與我同壤而  
世為仇讎於是乎克而弗取將又存之違天  
而長寇讎後雖悔之不可食已姬之衰也日  
可俟也介在蠻夷而長寇讎以是求伯必不  
行矣弗聽退而告人曰越十年生聚而十年  
教訓二十年之外吳其為沼乎三月越及吳

雜

雜

平吳入越不書吳不告慶越不告敗也夫者

子消反橋音醉循食允反會古外反稽古兮  
反齧音鄙反負音云過古禾反曉五叫反樹  
諸林反灌古亂反鄒音尋相息亮反緝亡巾  
反娠音身寶音豆懸音忌姚子昭反謀音牒  
村直呂反獐許器反  
施始鼓反治之兆反

檣李在定十四年夫椒吳郡吳縣西南大  
湖中椒山越保于會稽上會稽山也在會  
稽山陰縣南澆寒泥子封於過者三斟夏  
同姓諸侯襄四年傳曰澆用師滅斟灌夏

春秋左傳卷五十七 哀公 四 稽古樓



后相啓孫后相失國依於二斟復爲澆所  
滅后緡相妻娠懷身也歸于有仍后緡有  
仍氏女牧正牧官之長碁毒也戒備也椒  
澆臣虞舜後諸侯也梁國有虞縣庖正掌  
膳羞之官賴此以得除己害思有虞君也  
虞思自以二女妻少康姚虞姓綸虞邑方  
十里爲成五百人爲旅兆始也收夏眾以  
襄四年傳曰靡自有鬲氏收二國之燼以

滅浞而立少康女艾少康臣謀候也獯澆  
弟也季杼少康子后杼也過澆國戈獯國  
物事也或將豐之言與越成是使越豐大  
必爲吳難施不失人謂所加惠賜皆得其  
人親不棄勞謂推親愛之誠則不遺小勞  
違天猶言天與不取食消也已止也姬吳  
姓言可計日而待生聚教訓言生民聚財  
富而後教之吳其爲沼謂吳宮室廢壞當



為汚池為二十二年越入吳起本吳入越  
不書嫌夷狄不與華同故復發傳

夏四月齊侯衛侯救邯鄲圍五鹿

趙穆以邯鄲叛范中行氏之黨也五鹿晉  
邑

吳之入楚也使召陳懷公懷公朝國人而問  
焉曰欲與楚者右欲與吳者左陳人從田無  
田從黨逢滑當公而進曰臣聞國之興也以

福其亡也以禍今吳未有禍楚未有禍楚未  
可棄吳未可從而晉盟主也若以晉辭吳若  
何公曰國勝君亡非禍而何對曰國之有是  
多矣何必不復小國猶復況大國乎臣聞國  
之興也視民如傷是其福也其亡也以民為  
土芥是其禍也楚雖無德亦不艾殺其民吳  
日傲於兵暴骨如莽而未見德焉天其或者  
正訓楚也禍之適吳其何日之有陳侯從之

春秋左傳

卷五十七

哀公

六

稽古樓



及夫差克越乃修先君之怨秋八月吳侵陳

修舊怨也

滑于八反艾魚廢反暴音僕

吳入楚在定四年無田從黨都邑之人無田者隨黨而立不知所與故直從所居田在西者居右在東者居左逢滑當公不左不右國勝楚為吳所勝如傷恐驚動芥草也莽草之生於廣野莽莽然故曰草莽天正訓楚謂使懼而改過何日之有言今至

傳言吳不修德而修怨所以亡

齊侯衛侯會于乾侯救范氏也師及齊師衛

孔圉鮮虞人伐晉取棘蒲

魯師不書非公命也孔圉孔烝鉏曾孫鮮

虞狄帥賤故不書

吳師在陳楚大夫皆懼曰闔廬惟能用其民以敗我於柏舉今聞其嗣又甚焉將若之何子西曰二三子恤不相睦無患吳矣昔闔廬

春秋左傳

卷五十七

哀公

七

稽古樓



食不二味居不重席室不崇壇器不彤鏤宮  
室不觀舟車不飾衣服財用擇不取費在國  
天有舊癘親巡孤寡而其其乏困在軍熟食  
者分而後敢食其所嘗者卒乘與焉勤恤其  
民而與之勞逸是以民不能勞死知不曠吾  
先大夫子常易之所以敗我也今聞夫差次  
有臺榭陂池焉宿有妃嬙嬪御焉一日之行  
所欲必成玩好必從珍異是聚觀樂是務視

民如讎而用之日新夫先自敗也已安能敗

我

彤徒冬反鏤魯一豈反觀去  
聲陂彼宜反嬙在羊反

室不崇壇平地作室不起壇也彤丹也鏤  
刻也觀臺榭擇不取費謂選取堅厚不尙  
細靡癘疾疫也分而後敢食必須軍士皆  
分熟食不敢先食分猶徧也所嘗甘珍非  
常食死知不曠知身死不見曠棄身猶反  
也次有臺榭積土爲高曰臺有木曰榭過

春秋

左傳

卷五十七

哀公

八

晉古樓



春秋

卷五十七

再宿曰次妃嬪貴者嬪御賤者皆內官先  
自敗為二十二年越滅吳起本

冬十一月晉趙鞅伐朝歌

討范中行氏

經二年春王二月季孫斯叔孫州仇仲孫何  
忌帥師伐邾取濶東田及沂西田

濶音郭沂  
魚依反

邾人以賂取之易也

癸巳叔孫州仇仲孫何忌及邾子盟于句繹

句古侯反  
繹音亦

句繹邾地取邑盟以要之

夏四月丙子衛侯元卒

定四年盟皋鼫

滕子來朝

無傳

晉趙鞅帥師納衛世子蒯聩于戚

秋八月甲戌晉趙鞅帥師及鄭罕達帥師戰

春秋左傳

卷五十七

哀公

九

稽古樓



于鐵鄭師敗績

皆陳曰戰大崩曰敗績鐵在戚城南罕達子皮孫

冬十月葬衛靈公

無傳七月而葬緩

十有一月蔡遷于州來

畏楚而請遷故以自遷為文

蔡殺其大夫公子駟

懷古而欺大國故罪而書名

傳二年春伐邾將伐絞邾人愛其土故賂以

漸沂之田而受盟絞古邾反

絞邾邑

初衛侯遊于郊子南僕公曰余無子將立女

不對他日又謂之對曰郟不足以辱社稷君

其改圖君夫人在堂三揖在下君命祇辱夏

衛靈公卒夫人曰命公子郟為大子君命也

春秋左傳卷五十七 哀公 十 稽古樓



對曰郟異於他子且君沒於吾手若有之郟必聞之且亡人之子輒在乃立輒六月乙酉晉趙鞅納衛大子于戚宵迷陽虎曰右河而南必至焉使大子纒八人衰絰僞自衛逆者告於門哭而入遂居之

纒音問

子南靈公子郟也僕御也無子以蒯瞶奔無大子三揖卿大夫士君命祗辱言立適當以禮與內外同之今君私命事必不從

適為辱郟異他子言用意不同君沒吾手有命必聞言當以臨沒為正輒蒯瞶之子出公也靈公適孫右河而南是時河北流過元城界戚在河外晉軍已渡河故欲出河右而南纒者始發喪之服僞自衛逆欲為衛人逆故衰絰成服

秋八月齊人輸范氏粟鄭子姚子般送之士吉射逆之趙鞅禦之遇於戚陽虎曰吾車少

左傳

卷五十七

哀公

十二

晉古婁



春秋  
以兵車之旆與罕駟兵車先陳罕駟自後隨  
而從之彼見吾貌必有懼心於是乎會之必  
大敗之從之卜戰龜焦樂丁曰詩曰爰始爰  
謀爰契我龜謀協以故兆詢可也簡子誓曰  
范氏中行氏反易天明斬艾百姓欲擅晉國  
而滅其君寡君恃鄭而保焉今鄭為不道棄  
君助臣二三子順天明從君命經德義除詬  
恥在此行也克敵者上大夫受縣下大夫受

郡士田十萬庶人工商遂人臣隸圉免志父  
無罪君實圖之若其有罪絞綸以戮桐棺三  
寸不設屬辟素車樸馬無入于兆下卿之罰  
也甲戌將戰郵無恤御簡子衛太子為右登  
鐵上望見鄭師眾太子懼自投于車下子良  
授太子綏而乘之曰婦人也簡子巡列曰畢  
萬匹夫也七戰皆獲有馬百乘死於牖下羣  
子勉之死不在寇繁羽御趙羅宋勇為右羅

春秋左傳

卷五十七

哀公

十三

晉古樓



無勇麋之吏詰之御對曰疇作而伏衛大子  
禱曰曾孫蒯聵敢昭告皇祖文王烈祖康叔  
文祖襄公鄭勝亂從晉午在難不能治亂使  
鞅討之蒯聵不敢自佚備持矛焉敢告無絕  
筋無折骨無面傷以集大事無作三祖羞大  
命不敢請佩玉不敢愛鄭人擊簡子中肩斃  
于車中獲其蠶旗大子救之以戈鄭師北獲  
溫大夫趙羅大子復伐之鄭師大敗獲齊粟

千車趙孟喜曰可矣傅叟曰雖克鄭猶有知  
在憂未艾也初周人與范氏田公孫尨稅焉  
趙氏得而獻之吏請殺之趙孟曰爲其主也  
何罪止而與之田及鐵之戰以徒五百人宵  
攻鄭師取蠶旗於子姚之幕下獻曰請報主  
德追鄭師姚般公孫林殿而射前列多死趙  
孟曰國無小旣戰簡子曰吾伏弢嘔血鼓音  
不衰今日我上也大子曰吾救主於車退敵



春秋

卷五十七

於下我右之上也郵良曰我兩韉將絕吾能

止之我御之上也駕而乘材兩韉皆絕般音

去聲艾魚廢反屬音燭辟步歷反麋邱隕反

班陳子姚罕達子般駟弘施先驅車也以先驅

車益其兵車以示眾彼見必有懼心以晉

人先陳鄭人隨之不知其虛實見車多必

懼會合戰龜焦兆不成樂丁晉大夫詩大

雅言先人事後卜筮詢諮詢也故兆始納

衛天子卜得吉兆言今既謀同可不須更

卜反易天明不事君也縣郡周書作雒篇

千里百縣縣有四郡士田十萬十萬畝也

遂謂得遂進仕免去廝役志父趙簡子之

改名也言已事濟君當圖其賞綬所以益

人物屬辟棺之重數王棺四重君再重大

夫一重素車樸馬以載柩兆葬域下卿之

罰為眾設賞自設罰所以能克敵郵無恤

齊人左傳

卷五十七

哀公

十四

管子



王良也鐵邱名曰婦人言其怯畢萬晉獻  
公卿也皆獲有功死於牖下言得壽終死  
不在寇言有命繁羽趙羅宋勇三子晉大  
夫麋束縛也疝瘡疾也皇祖文王周文王  
皇大也烈顯也文祖襄公繼業守文故曰  
文祖崩曠襄公之孫勝鄭聳公名釋君助  
臣爲從於亂午晉定公名鞅簡子名備持  
矛戎右持矛集成也佩玉不敢愛故以祈

禱斃路也逢蠶旗旗名鄭獲趙羅羅無勇故  
鄭師雖北猶獲羅趙孟簡子也喜大子前  
怯今更勇傅使簡子屬也言知氏將爲難  
後竟有晉陽之患龙范氏臣爲范氏收周  
人所與田之稅趙氏得龙以獻簡子與之  
田還其所稅前列多死晉前列國無小言  
雖小國猶有善射者弋弓衣嘔吐也今日  
我上謂我功爲上韜將絕止之止使不絕



春禾

材橫木乘材皆絕明細小也傳言簡子不讓下自伐

吳洩庸如蔡納聘而稍納師師畢入眾知之蔡侯告大夫殺公子駟以說哭而遷墓冬蔡遷于州來

元年蔡請遷于吳中悔故因聘襲之蔡殺駟以說吳言不時遷駟之為哭而遷墓將遷與先君辭故哭

經三年春齊國夏衛石曼姑帥師圍戚

曼姑為子圍父知其不義故推齊使為兵首戚不稱衛非叛人

夏四月甲午地震

無傳

五月辛卯桓宮僖宮災

天火曰災

季孫斯叔孫州仇帥師城啓陽

春火左傳

卷五十七

哀公

十六

稽古樓



春秋  
無傳魯黨范氏故懼晉比年四城啓陽今

琅琊開陽縣

宋樂髡帥師伐曹

無傳

秋七月丙子季孫斯卒

蔡人放其大夫公孫獵于吳

無傳公子駟之黨

冬十月癸卯秦伯卒

無傳不書名未同盟

叔孫州仇仲孫何忌帥師圍邾

無傳

傳三年春齊衛圍戚求援于中山

中山鮮虞

夏五月辛卯司鐸火火踰公宮桓僖災救火者皆曰顧府南宮敬叔至命周人出御書俟於宮曰虵女而不在死子服景伯至命宰人

春秋

左傳

卷五十七

哀公

十七

稽古樓



出禮書以待命命不共有常刑校人乘馬巾  
車脂轄百官官備府庫慎守官人肅給濟濡  
帷幕鬱攸從之蒙茸公屋自大廟始外內以  
俊助所不給有不用命則有常刑無赦公父  
文伯至命校人駕乘車季桓子至御公立于  
象魏之外命救火者傷人則止財可為也命  
藏象魏曰舊章不可亡也富父槐至曰無備  
而官辦者猶拾藩也於是乎去表之橐道還

公宮孔子在陳聞火曰其桓僖乎

克匹婢反  
乘去聲悛

七全反潘尺審反  
還又作環戶關反

司鐸宮名桓僖災桓公僖公鞠皆曰顧府

言常人愛財敬叔孔子弟子南宮閱周人

司周書典籍之官御書進於君者也使待

命於宮屯具也景伯子服何也宰人冢宰

之屬命待求之命校人掌馬巾車掌車乘

馬使四四相從為駕之易官備慎守以國



有火災恐有變難故慎為備鬱攸火氣也  
濡物於水出用為濟蒙葺以濡物冒覆公  
屋悛次也先尊後卑以次救之乘車公車  
象魏門闕命藏象魏以周禮正月縣教令  
之法于象魏使萬民觀之故謂其書為象  
魏槐富父終生之後潘汁也言不備而責  
辦不可得表表火道風所向者去其橐積  
道還公宮開除道周匝公宮使火無相連

孔子聞火曰其桓僖言桓僖親盡而廟不  
毀宜為天所災

劉氏范氏世為婚姻襄引事劉文公故周與  
范氏趙鞅以為討六月癸卯周人殺襄引

劉氏周卿士范氏晉大夫襄引事文公為  
之屬大夫鞅以為討責周與范氏周殺襄  
引終違天之禍

秋季孫有疾命正常曰無死南孺子之子男

春秋左傳

卷五十七

哀公

十九

晉古樓



也則以告而立之女也則肥也可季孫卒康  
子卽位既葬康子在朝南氏生男正常載以  
如朝告曰夫子有遺言命其圉臣曰南氏生  
男則以告於君與大夫而立之今生矣男也  
敢告遂奔衛康子請退公使其劉視之則或  
殺之矣乃討之召正常正常不反共音  
正常桓子之寵臣欲付以後事故敕令勿  
從已死南孺子季桓子之妻言若生男告

春秋

卷五十七

公而立之肥康子也康子在朝在公朝也

退辟位也共劉魯大夫討之討殺者正常

不反畏康子也傳備言季氏家事

冬十月晉趙鞅圍朝歌師于其南荀寅伐其

郭使其徒自北門入己犯師而出癸丑奔邯

鄆十一月趙鞅殺士皋夷惡范氏也

趙鞅圍朝歌范中行所在荀寅伐其郭伐

其北郭圍犯師而出言荀寅使在外救已

春秋左傳

卷五十七

哀公

二十

稽古樓



春秋

卷五十七

之徒擊趙氏圍之北門因外內攻得出執  
殺士卑夷惡范氏而殺其族言遷怒

經四年春王二月庚戌盜殺蔡侯申殺申志反

賤者故稱盜不言弑其君賤盜也

蔡公孫辰出奔吳

弑君賊之黨故書各

葬秦惠公

無傳

宋人執小邾子

無傳邾子無道於其民故稱人以執

夏蔡殺其大夫公孫姓公孫霍姓音生

皆弑君黨

晉人執戎蠻子赤歸于楚

晉恥為楚執諸侯故稱人以告若蠻子不  
道於其民也赤本屬楚故言歸

城西郭

春秋左傳

卷五十七

哀公

三

稽古樓



春秋

無傳魯西郭備晉也

六月辛丑亳社災

無傳天火也亳社殷社諸侯有之所以戒

亡國

秋八月甲寅滕子結卒

無傳同盟於皋鼬

冬十有二月葬蔡昭公

無傳亂故是以緩

葬滕頃公

無傳

傳四年春蔡昭侯將如吳諸大夫恐其又遷也承公孫翩逐而射之人於家人而卒以兩矢門之眾莫敢進文之錯後至曰如牆而進多而殺二人錯執弓而先翩射之中肘錯遂殺之故逐公孫辰而殺公孫姓公孫盱

況于

反

春秋左傳

卷五十七

哀公

三

稽古樓



承音徵蓋楚言翩蔡大夫兩矢門之翩以  
矢自守其門錯蔡大夫如牆而進併行如  
牆俱進吁卽霍也

夏楚人既克夷虎乃謀北方左司馬販申公  
壽餘葉公諸梁致蔡於負函致方城之外於  
繒關曰吳將沂江入郢將奔命焉爲一昔之  
期襲梁及霍單浮餘圍蠻氏蠻氏潰蠻子赤  
奔晉陰地司馬起豐析與狄戎以臨上雒左

師軍于菟和右師軍于倉野使謂陰地之命  
大夫士蔑曰晉楚有盟好惡同之若將不廢  
寡君之願也不然將通於少習以聽命士蔑  
請諸趙孟趙孟曰晉國未寧安能惡於楚必  
速與之士蔑乃致九州之戎將裂田以與蠻  
子而城之且將爲之卜蠻子聽卜遂執之與  
其五大夫以畀楚師于三戶司馬致邑立宗  
焉以誘其遺民而盡俘以歸歸陵反單音善菟



夷虎蠻夷叛楚者取壽餘諸梁三子楚大  
夫也此蔡之故地人民楚因以為邑致之  
者會其眾也負函綰關皆楚地逆流曰沂  
襲梁及霍偽辭當備吳夜結期明日便襲  
梁霍使不知之梁河南梁縣西南故城也  
梁南有霍陽山皆蠻子之邑也浮餘楚大  
夫陰地河南山北自上雒以東至陸渾司

徒音

春未

和

馬楚司馬取也析縣屬南鄉郡析南有豐  
鄉皆楚邑發此二邑人及我狄菟和山在  
上雒東也倉野在上雒縣命大夫別縣監  
尹少習商縣武關也將大開武關道以伐  
晉未寧時有范中行之難九州戎在晉陰  
地陸渾者裂田而城之以詐蠻子卜謂卜  
城三戶今丹水縣北三戶亭致邑立宗楚  
復詐為蠻子作邑立其宗主

春秋左傳

卷五十七

哀公

二

稽古樓



春秋

秋七月齊陳乞弦施衛甯跪救范氏庚午圍  
五鹿九月趙鞅圍邯鄲冬十一月邯鄲降荀  
寅奔鮮虞趙稷奔臨十二月弦施逆之遂墮  
臨國夏伐晉取邢任欒郟逆時陰人孟壺口  
會鮮虞納荀寅于柏人墮許規反任音壬  
郟呼洛反時音止  
陳乞僖子弦施弦多五鹿晉邑臨晉邑邢  
任及壺口八邑晉地蠻在趙國平棘縣西  
北部郎高邑縣也路縣東有壺口關柏人

晉邑也今趙國柏人縣也弦施與鮮虞會  
也

經五年春城毗毗頻  
夷反

無傳備晉也

夏齊侯伐宋

無傳

晉趙鞅帥師伐衛

秋九月癸酉齊侯杵臼卒

春秋左傳

卷五十七

哀公

孟

稽古樓



再同盟也

冬叔還如齊

閏月葬齊景公

無傳

傳五年春晉圍柏人荀寅士吉射奔齊初范氏之臣王生惡張柳朔言諸昭子使為柏人昭子曰夫非而讎乎對曰私讎不及公好不廢過惡不去善義之經也臣敢違之及范氏

出張柳朔謂其子爾從主勉之我將止死王

生授我矣吾不可以僭之遂死於柏人好惡並去

上聲去聲

使為柏人為柏人宰也昭子范吉射也公

公家之事也范氏出出柏人奔齊王生授

我謂授我死節死於柏人為吉射距晉戰

死

夏趙鞅伐衛范氏之故也遂圍中牟

左傳

卷五十七

哀公

三六

稽古樓



衛助范氏故也

齊燕姬生子不成而死諸子鬻姒之子荼嬖諸大夫恐其為大子也言於公曰君之齒長矣未有太子若之何公曰二三子閒於憂虞則有疾疾亦姑謀樂何憂於無君公疾使國惠子高昭子立荼寘羣公子於萊秋齊景公卒冬十月公子嘉公子駒公子黔奔衛公子鉏公子陽生來奔萊人歌之曰景公死乎不

與埋三軍之事乎不與謀師乎師乎何黨之

乎

鬻音育閒音閑與去聲謀叶媒

燕姬景公夫人不成未冠也諸子庶公子也鬻姒景公妾荼安孺子何憂無君景公意欲立荼而未發故以此言塞大夫請惠子國夏昭子高張萊齊東鄙邑嘉駒黔鉏陽生皆景公子在萊者師眾也黨所也之往也稱諡蓋葬後而為此歌哀羣公子失

春秋左傳

卷五十七

哀公

三

檀古樓



所

鄭駟秦富而侈嬖大夫也而常陳卿之車服於其庭鄭人惡而殺之子思曰詩曰不解于位民之攸暨不守其位而能久者鮮矣商頌曰不僭不濫不敢怠皇命以多福

子思子產子國參也詩大雅攸所也暨息也僭差也濫溢也皇暇也言駟秦違詩商頌故受禍

卷終

春秋左傳註卷第五十八

哀公六年  
盡十一年

晉

杜

預

註

經六年春城邾瑕

無傳備晉也任城亢父縣北有邾婁

晉趙鞅帥師伐鮮虞

吳伐陳

夏齊國夏及高張來奔

二子阿君廢長立少既受命又不能全書

春秋左傳

卷五十八

哀公

一

晉古婁



春秋  
名罪之也

叔還會吳于柎

無傳

秋七月庚寅楚子軫卒

未同盟而赴以名

齊陽生入于齊

為陳乞所逆故書入

齊陳乞弑其君荼

弑荼者朱毛與陽生也而書陳乞所以明

乞立陽生而荼見弑則禍由乞始也楚比

劫立陳乞流涕子家憚老皆疑於免罪故

春秋明而書之以為弑主

冬仲孫何忌帥師伐邾

無傳

宋向巢帥師伐曹

無傳

春秋左傳

卷五十八

哀公

二

晉古書



傳六年春晉伐鮮虞治范氏之亂也

四年鮮虞納荀寅于柏人

吳伐陳復脩舊怨也楚子曰吾先君與陳有盟不可以不救乃救陳師于城父

吳伐陳元年未得志故也陳盟在昭十三年

年

齊陳乞偽事高國者每朝必驂乘焉所從必言諸大夫曰彼皆偃蹇將棄子之命皆曰高

國得君必偪我盍去諸固將謀子子早圖之圖之莫如盡滅之需事之下也及朝則曰彼虎狼也見我在子之側殺我無日矣請就之位又謂諸大夫曰二子者禍矣恃得君而欲謀二三子曰國之多難貴寵之由盡去之而後君定既成謀矣盍及其未作也先諸作而後悔亦無及也大夫從之夏六月戊辰陳乞鮑牧及諸大夫以甲入于公宮昭子聞之與

春秋左傳

卷五十八

哀公

三

稽古樓



惠子乘如公戰于莊敗國人追之國夏奔莒  
遂及高張晏圍莒施來奔

高國高張國夏受命立荼陳乞欲害之故  
先僞事焉必言諸大夫言其罪過偃蹇驕  
敖得君謂得君寵也需疑也請就之位欲  
與諸大夫謀高國故求就之牧鮑圍孫敗  
高國敗也莊六軌之道晏圍嬰之子圍施  
不書非卿

秋七月楚子在城父將救陳卜戰不吉卜退  
不吉王曰然則死也再敗楚師不如死棄盟  
逃讎亦不如死死一也其死讎乎命公子申  
爲王不可則命公子結亦不可則命公子啓  
五辭而後許將戰王有疾庚寅昭王攻大冥  
卒于城父子閻退曰君王舍其子而讓羣臣  
敢忘君乎從君之命順也立君之子亦順也  
二順不可失也與子西子期謀潛師閉塗逆



越女之子章立之而後還是歲也有雲如眾  
赤鳥夾日以飛三日楚子使問諸周太史周  
太史曰其當王身乎若禳之可移於令尹司  
馬王曰除腹心之疾而實諸股肱何益不穀  
不有大過天其天諸有罪受罰又焉移之遂  
弗禳初昭王有疾卜曰河爲崇王弗祭大夫  
請祭諸郊王曰三代命祀祭不越望江漢雎  
漳楚之望也禍福之至不是過也不穀雖不

德河非所獲罪也遂弗祭孔子曰楚昭王知  
大道矣其不失國也宜哉夏書曰惟彼陶唐  
帥彼天常有此冀方今失其行亂其紀綱乃  
滅而亡又曰允出茲在茲由已率常可矣崇音

詠雎七  
餘反

再敗前已敗於柏人今若退還亦是敗申  
子西結子期啓子闔皆昭王兄大冥陳地  
吳師所在從命許立潛師密發也閉塗不

季火左傳卷五十八 哀公 五 稽古樓



通外使也越女昭王妾章惠王當王身言  
日爲人君妖氣守之故以爲當王身雲在  
楚上唯楚見之故禍不及他國禳祭也  
祭不越望謂諸侯望祀竟內山川星辰江  
漢睢漳四水在楚界夏書逸書言堯循天  
之常道滅亡謂夏桀也唐虞及夏同都冀  
州不易地而亡由於不知大道故又逸書  
言信出已則福亦在己

八月齊邴意茲來奔陳僖子使召公子陽生  
陽生駕而見南郭且子曰嘗獻馬于季孫不  
入於上乘故又獻此請與子乘之出萊門而  
告之故闕止知之先待諸外公子曰事未可  
知反與壬也處戒之遂行逮夜至於齊國人  
知之僖子使子士之母養之與饋者皆入冬  
十月丁卯立之將盟鮑子醉而往其臣差車  
鮑點曰此誰之命也陳子曰受命于鮑子遂



春秋  
誣鮑子曰子之命也鮑子曰女忘君之為孺  
子牛而折其齒乎而背之也悼公稽首曰吾  
子奉義而行者也若我可不必亡一大夫若  
我不可不必亡一公子義則進否則退敢不  
唯子是從廢興無以亂則所願也鮑子曰誰  
非君之子乃受盟使胡姬以安孺子如賴去  
鬻姒殺王甲拘江說囚王豹于句賈之邱公  
使朱毛告於陳子曰微子則不及此然君異

於器不可以二器二不匱君二多難敢布諸  
大夫僖子不對而泣曰君舉不信羣臣乎以  
齊國之困困又有憂少君不可以訪是以求  
長君庶亦能容羣臣乎不然夫孺子何罪毛  
復命公悔之毛曰君大訪於陳子而圖其小  
可也使毛遷孺子於駘不至殺諸野幕之下  
葬諸安昌淳且子餘反上乘繩證反差所宜  
反說音悅句音鈎駘他才反

邴意茲高國黨召公子陽生召在七月今



在八月下記事之次且于齊公子鉏在魯南郭請與乘之畏在家人聞其言故欲二人共載以試馬爲辭萊門魯郭門也闕止陽生家臣子我也待外欲俱去壬陽生子簡公戒使無洩言夜至於齊故以昏至不欲令人知也國人知而不言言陳氏得眾僖子使養之時隱於僖子家內子士母僖子妾與饋者入陳僖子又令陽生隨饋食

之人入處公宮盟盟諸大夫黜鮑牧臣也差車主車之官陳子誣鮑子見其醉故誣之孺子荼也景公嘗銜繩爲牛使荼牽之荼頓地故折其齒悼公陽生不亡一大夫言己可爲君必不怨鮑子公子自謂也不必亡一公子恐鮑子殺己故要之誰非君之子言陽生亦君之子固可立胡姬景公妾也賴齊邑安號也鬻嬖荼之母甲說豹



三子景公嬖臣荼之黨也朱毛齊大夫舉皆也困又有憂言內有饑荒之困又有兵革之憂公悔之悔失言也大謂國政小謂殺荼殺諸野幕之下恐駘人不從故毛駐於野張帳而殺之駘齊邑及冒淳地名實以冬殺經書秋者史書秋記始事遂連其死通以冬告魯

經七年春宋皇瑗帥師侵鄭

晉魏曼多帥師侵衛

夏公會吳于郟

郟今琅琊郟縣

秋公伐邾八月己酉入邾以邾子益來

他國言歸於魯言來外內之辭

宋人圍曹

冬鄭駟弘帥師救曹

傳七年春宋師侵鄭鄭叛晉故也

承左傳

卷五十八

哀公

九

晉古婁



定八年鄭始叛

晉師侵衛衛不服也

五年晉伐衛至今未服

夏公會吳于郟吳來徵百牢子服景伯對曰先王未之有也吳人曰宋百牢我魯不可以後宋且魯牢晉大夫過十吳王百牢不亦可乎景伯曰晉范鞅貪而棄禮以大國懼敝邑故敝邑十一牢之君若以禮命於諸侯則有

數矣若亦棄禮則有淫者矣周之王也制禮上物不過十二以為天之六數也今棄周禮而曰必百牢亦唯執事吳人弗聽景伯曰吳將亡矣棄天而背本不與必棄疾於我乃與之太宰嚭召季康子康子使子貢辭太宰嚭曰國君道長而大夫不出門此何禮也對曰豈以為禮畏大國也大國不以禮命於諸侯苟不以禮豈可量也寡君既其命焉其老豈



敢棄其國大伯端委以治周禮仲雍嗣之斷  
髮文身羸以為飾豈禮也哉有由然也反自  
鄆以吳為無能為也長上聲斷音短

會吳于鄆吳欲霸中國宋伯牟我是時吳  
過宋得百牢晉大夫范鞅也在昭二十一  
年有數謂有常數淫過也上物天子之牢  
十二天之六數以天有十二次故制禮象  
之吳棄天而背本違周為背本棄疾謂放

棄凶疾來伐擊我嚳吳大夫國君道長蓋  
言君長大於道路畏大國不敢虛國盡行  
大伯周大王之長子仲雍大伯弟也大伯  
仲雍讓其弟季歷俱適荆蠻遂有民眾大  
伯卒無子仲雍嗣立不能行禮致化故效  
吳俗言其權時制宜以辟災害非以為禮  
也端委禮衣也無能為以棄禮知其不能

霸也



季康子欲伐邾乃饗大夫以謀之子服景伯曰小所以事大信也大所以保小仁也背大國不信伐小國不仁民保於城城保於德失二德者危將焉保孟孫曰二三子以爲何如惡賢而逆之對曰禹合諸侯於塗山執玉帛者萬國今其存者無數十焉唯大不字小小不事大也知必危何故不言魯德如邾而以眾加之可乎不樂而出秋伐邾及范門猶聞

鐘聲大夫諫不聽茅成子請告於吳不許曰魯擊柝聞於邾吳二千里不三月不至何及於我且國內豈不足成子以茅叛師遂入邾處其公宮眾師晝掠邾眾保于繹師宵掠以邾子益來獻于亳社因諸負瑕負瑕故有繹邾茅夷鴻以束帛乘韋自請救於吳曰魯弱晉而遠吳馮恃其眾而背君之盟辟君之執事以陵我小國邾非敢自愛也懼君威之不



不才

和木

立君威之不立小國之憂也若夏盟於郟衍  
秋而背之成求而不違四方諸侯其何以事  
君且魯賦八百乘君之貳也邾賦六百乘君  
之私也以私奉貳唯君圖之吳子從之惡音烏掠

音亮乘去聲辟音僻

大國吳也二德信與仁也二三子爲何如  
怪諸大夫不言故指問之惡賢而逆孟孫  
賢景伯欲使大夫不逆其言惡猶安也對

諸大夫對也諸侯執玉附庸執帛塗山在  
壽春東北不字不事言諸侯相伐古來以  
然知危何不言謂知伐邾必危自當言今  
不言者不危故也大夫以答孟孫所怪且  
阿附季孫以眾加之孟孫忿答大夫今魯  
德無以勝邾但欲恃眾可乎言不可不樂  
而出以季孟意異佞直不同故罷饗范門  
邾郭門也聞鐘聲以邾不禦寇成子邾大

春秋左傳

卷五十八

哀公

十三

稽古樓



夫茅夷鴻擊柝聞於邾言以近國內足言  
足以距魯茅高平西南有茅鄉亭眾師晝  
掠虜掠取財物也繹邾山也在鄒縣北益  
邾隱公也晝夜掠傳言康子無法獻于亳  
社以其亡國與殷同負瑕魯邑高平南平  
陽縣西北有瑕邱城前者魯得邾之繹民  
使在負瑕故使相就以辱之自請救于吳  
無君命故言自馮依辟陋也鄆衍卽鄆也

鄆盟不書吳行夷禮禮儀不典非所以結  
信義故不錄成求不違言魯成其所求無  
違逆也貳敵也魯以八百乘之賦貢於吳  
言其國大君之私爲私屬吳子從之爲明  
年吳伐我傳

宋人圍曹鄭桓子思曰宋人有曹鄭之患也  
不可以不救冬鄭師救曹侵宋初曹人或夢  
眾君子立于社宮而謀亡曹曹叔振鐸請待

春秋左傳

卷五十八

哀公

十四

稽古樓



公孫彊許之且而求之曹無之戒其子曰我  
死爾聞公孫彊為政必去之及曹伯陽即位  
好田弋曹鄙人公孫彊好弋獲白鴈獻之且  
言田弋之說說之因訪政事大說之有寵使  
為司城以聽政夢者之子乃行彊言霸說於  
曹伯曹伯從之乃背晉而好宋宋人伐之晉  
人不救築五邑於其郊曰黍邱揖邱大城鍾  
邗邗音于

桓謚也社宮社也振鐸曹始祖築五邑於  
郊為明年入曹傳也梁國下邑縣西南有

黍邱亭

經八年春王正月宋公入曹以曹伯陽歸

曹人背晉而好宋是以致討宋人既還而  
不忍褚師之詬怒而反兵一舉滅曹滅非  
本志故以入告

吳伐我

春秋左傳卷五十八 哀公 十五 稽古樓



春秋  
夏齊人取讙及闡

不書伐兵未加而魯與之邑闡在東平劉

縣北

歸邾子益于邾

秋七月

冬十有二月癸亥杞伯過卒

無傳未同盟而赴以名

齊人歸讙及闡

不言來命歸之無官使也

傳八年春宋公伐曹將還褚師子肥殿曹人  
詭之不行師待之公聞之怒命反之遂滅曹  
執曹伯及司城彊以歸殺之

子肥宋大夫詭詈辱也不行殿兵止也執

以歸殺之終曹人之夢

吳為邾故將伐魯問於叔孫輒叔孫輒對曰  
魯有名而無情伐之必得志焉退而告公山

春秋

左傳

卷五十八

哀公

十六

信古樓



不狃公山不狃曰非禮也君子違不適讎國  
未臣而有伐之奔命焉死之可也所託也則  
隱且夫人之行也不以所惡廢鄉今子以小  
惡而欲覆宗國不亦難乎若使子率子必辭  
王將使我子張病之王問於子洩對曰魯雖  
無與立必有與斃諸侯將救之未可以得志  
焉晉與齊楚輔之是四讎也夫魯齊晉之脣  
脣亡齒寒君所知也不救何爲三月吳伐我

子洩率故道險從武城初武城人或有因於  
吳竟田焉拘郈人之漚管者曰何故使吾水  
滋及吳師至拘者道之以伐武城克之王犯  
嘗爲之宰澹臺子羽之父好焉國人懼懿子  
謂景伯若之何對曰吳師來斯與之戰何患  
焉且召之而至又何求焉吳師克東陽而進  
舍於五梧明日舍於蠶室公賓庚公甲叔子  
與戰于夷獲叔子與析朱鉏獻於王王曰此



春秋  
同車必使能國未可望也明日舍于庚宗遂  
次於泗上微虎欲宵攻王舍私屬徒七百人  
三踊於幕庭卒三百人有若與焉及稷門之  
內或謂季孫曰不足以害吳而多殺國士不  
如己也乃止之吳子聞之一夕三遷吳人行  
成將盟景伯曰楚人圍宋易子而食析骸而  
爨猶無城下之盟我未及虧而有城下之盟  
是棄國也吳輕而遠不能久將歸矣請少待

之弗從景伯負載造於萊門乃請釋子服何

於吳吳人許之以王子姑曹當之而後止吳

人盟而還

所惡去聲覆芳服反滬烏豆反  
營古韻反道之音導澹待甘反

伐魯問輒問可伐否輒故魯人有名無情

謂有大國名無情實不狃亦故魯人違奔

亡也奔命死之言未臣所適之國若有伐

本國者則可還奔命死其難所託則隱曾

所因託則爲之隱惡不以所惡廢鄉謂不



以其私怨惡廢棄其鄉黨之好欲覆宗國  
輒魯公族故謂之宗國子張輒也子洩不  
狂魯無與立緩時若無能自立必有與斃  
言急則人人知懼皆將同死戰四讎晉齊  
楚與魯而四故道險謂故由險道欲使魯  
成備吳竟田僑田吳界鄆人亦僑田吳滋  
濁也道之以伐鄆人教吳必可克王犯吳  
大夫故嘗奔魯爲武城宰澹臺子羽武城

人孔子弟子也其父與王犯相善國人懼  
其爲內應召之而至言犯盟伐邾所以召  
吳東陽五梧蠶室三邑魯地公賓庚公甲  
叔子并析朱鉏爲三人皆同車傳互言之  
同車能俱死是國能使人故不可望得微  
虎魯大夫三踊幕庭謂於帳前設格令士  
試躍之卒終也終得三百人任行有若孔  
子弟子與在三百人中及稷門三百人行



至稷門內一夕三遷畏微虎吳人行成求  
與魯成楚人圍宋在宣十五年負載造於  
萊門以言不見從故負載書將欲出盟釋  
舍也魯人不以盟爲子欲因留景伯爲質  
於吳既得吳之許復求吳王之子以交質  
吳人不欲留王子故遂兩止吳盟而還不  
書盟取吳夷

齊悼公之來也季康子以其妹妻之卽位而

逆之季魴侯通焉女言其情弗敢與也齊侯

怒夏五月齊鮑牧帥師伐我取譚及闡魴音房

悼公之來在五年魴侯康子叔父

或譖胡姬於齊侯曰安孺子之黨也六月齊

侯殺胡姬

胡姬景公妾齊侯殺胡姬傳言齊侯無道

所以不終

齊侯使如吳請師將以伐我乃歸邾子邾子

齊侯

左傳

卷五十八

哀公

二十

齊古樓



又無道吳子使太子餘討之囚諸樓臺梲  
之以棘使諸大夫奉太子革以為政梲在薦反  
如吳請師以齊未得季姬故請師也吳前  
為邾討魯懼二國同心故歸邾子子餘大  
宰懿梲擁也革邾太子桓公也為十年邾  
子來奔傳  
秋及齊平九月臧賓如如齊涖盟齊閭邱明  
來涖盟且逆季姬以歸嬖

賓如臧會子明閭邱嬰之子也盟不書諱  
畧之季姬鮑侯所通者

鮑牧又謂羣公子曰使女有馬千乘乎公子  
愬之公謂鮑子或諧子子姑居於潞以察之  
若有之則分室以行若無之則及子之所出  
門使以三分之一行半道使以二乘及潞麋  
之以入遂殺之麋邱隕反

有馬千乘使為君也鮑牧本不欲立陽生



春秋

故諷動羣公子潞齊邑麋亦束縛

冬十二月齊人歸讎及闡季姬嬖故也

經九年春王二月葬杞僖公

無傳三月而葬速

宋皇瑗帥師取鄭師于雍邱

書取覆而敗之雍邱縣屬陳畱

夏楚人伐陳

秋宋公伐鄭

冬十月

傳九年春齊侯使公孟綽辭師于吳吳子曰

昔歲寡人聞命今又革之不知所從將進受

命於君

齊與魯平故辭吳師將進受命為十年吳

伐齊傳

鄭武子賸之嬖許瑕求邑無以與之請外取

許之故圍宋雍邱宋皇瑗圍鄭師每日遷舍

春秋

左傳

卷五十八

哀公

三十一

晉古樓



壘合鄭師哭子姚救之大敗二月甲戌宋取鄭師于雍邱使有能者無死以邾張與鄭羅歸臄以證反臄罕達也瑕武子之屬請外取瑕請取於他國鄭師許瑕師每日遷舍作壘塹成輒徙舍合其圍子姚武子臄也使有能者無死惜其能也邾張鄭羅鄭之有能者夏楚人伐陳陳即吳故也

宋公伐鄭

報雍邱

秋吳城邗溝通江淮邗音寒

於邗江築城穿溝東北通射陽湖西北至宋口入淮通糧道也今廣陵邗江是

晉趙鞅卜救鄭遇水適火占諸史趙史墨史龜史龜曰是謂沈陽可以興兵利以伐姜不利子商伐齊則可敵宋不吉史墨曰盈水名

春秋左傳卷五十八 哀公 三 稽古樓



也子水位也名位敵不可干也炎帝為火師  
姜姓其後也水勝火伐姜則可史趙曰是謂  
如川之滿不可游也鄭方有罪不可救也救  
鄭則不吉不知其他陽虎以周易筮之遇泰  
三之需三曰宋方古不可與也微子啓帝乙  
之元子也宋鄭甥舅也社祿也若帝乙之元  
子歸妹而有吉祿我安得吉焉乃止  
遇水適火水火之兆趙墨龜皆晉史沈陽

火陽得水故沈兵陰類也故可以興兵姜  
齊姓子商謂宋盈水名子水位言趙鞅姓  
盈宋姓子水盈坎乃行子姓又得北方水  
位名位敵二水俱盛故言不可干火師謂  
神農有火瑞以火名官吏趙以水既盈而  
得水位故為如川之滿不可馮游言其波  
流盛鄭不可救言鄭以嬖寵伐人故以為  
有罪救鄭不吉謂救鄭則當伐宋故不吉



也遇泰之需乾下坤上泰乾下坎上需泰  
六五變宋不可與謂不可與戰泰六五曰  
帝乙歸妹以祉元吉帝乙紂父立為天子  
故稱帝乙陰而得中有似者者嫁妹得如  
其願受福祿而大吉且宋鄭為婚姻甥舅  
之國宋為微子之後今卜得帝乙卦故以  
為宋吉我安得吉言吉在彼則我伐之為  
不吉

冬吳子使來儆師伐齊

前年齊與吳謀伐魯齊既與魯成而止故  
吳恨之反為魯謀伐齊

經十年春王二月邾子益來奔

公會吳伐齊

書會從不與謀

三月戊戌齊侯陽生卒

以疾赴故不書弑

春秋

左傳

卷五十八

哀公

三

稽古樓



夏宋人伐鄭

無傳

晉趙鞅帥師侵齊

五月公至自伐齊

無傳

葬齊悼公

無傳

衛公孟彊自齊歸于衛

無傳書歸齊納之

薛伯夷卒

無傳赴以名故書

秋葬薛惠公

無傳

冬楚公子結帥師伐陳吳救陳

季子不書陳人來告不以名

傳十年春邾隱公來奔齊甥也故遂奔齊

春秋左傳

卷五十八

哀公

三六

稽古樓



隱公來奔遂奔齊終子貢之言

公會吳子邾子邾子伐齊南鄙師于郎齊人  
弑悼公赴于師吳子三日哭于軍門之外徐  
承帥舟師將自海入齊齊人敗之吳師乃還  
郎齊地邾邾不書兵并屬吳不列於諸侯  
齊弑悼公赴于師以說吳承吳大夫  
夏趙鞅帥師伐齊大夫請卜之趙孟曰吾卜  
於此起兵事不再令卜不襲吉行也於是乎

取犁及轅毀高唐之郭侵及賴而還

趙鞅伐齊經書侵以侵告吾卜於此起兵  
謂往歲卜伐宋不吉利以伐姜故令興兵  
事不再令再令瀆也襲重也犁一名隰濟  
南有隰陰縣祝阿縣西有轅城

秋吳子使來復傲師

伐齊未得志故為明年吳伐齊傳

冬楚子期伐陳吳延州來季子救陳謂子期

春秋左傳

卷五十八

哀公

三

稽古樓



春秋  
曰二君不務德而力爭諸侯民何罪焉我請  
退以爲子名務德而安民乃還

子期伐陳陳即吳故二君吳楚季子吳王  
壽夢少子也壽夢以襄十二年卒至今七  
十七歲壽夢卒季子已能讓國年當十五  
六至今蓋九十餘

經十有一年春齊國書帥師伐我  
夏陳轅頗出奔鄭

書名貪也

五月公會吳伐齊

甲戌齊國書帥師及吳戰于艾陵齊師敗績

獲齊國書

公與伐而不與戰艾陵齊地

秋七月辛酉滕子虞母卒

無傳赴以名故書之

冬十有一月葬滕隱公

左傳

卷五十八

哀公

三

稽古樓



無傳

衛世叔齊出奔宋

書名淫也

傳十一年春齊為郕故國書高無平帥師伐我及清季孫謂其宰冉求曰齊師在清必魯故也若之何求曰一子守二子從公禦諸竟季孫曰不能求曰居封疆之間季孫告二子二子不可求曰若不可則若無出一子帥師

背城而戰不屬者非魯人也魯之羣室眾於齊之兵車一室敵車優矣子何患焉二子之不欲戰也宜政在季氏當子之身齊人伐魯而不能戰子之恥也大不列於諸侯矣季孫使從於朝侯於黨氏之溝武叔呼而問戰焉對曰君子有遠慮小人何知懿子強問之對曰小人慮材而言量力而其者也武叔曰是謂我不成丈夫也退而蒐乘孟孺子洩帥右



春秋左傳卷五十八 哀公三年 稽古樓  
師顏羽御邴洩為右冉求帥左師管周父御  
樊遲為右季孫曰須也弱有子曰就用命焉  
季氏之甲七千冉有以武城人三百為已徒  
卒老幼守宮次于雩門之外五日右師從之  
公叔務人見保者而泣曰事充政重上不能  
謀士不能死何以治民吾既言之矣敢不勉  
乎師及齊師戰于郊齊師自稷曲師不踰溝  
樊遲曰非不能也不信子也請三刻而踰之

如之眾從之師入齊軍右師奔齊人從之陳  
確陳莊涉泗孟之側後人以為殿抽矢策其  
馬曰馬不進也林不狃之伍曰走乎不狃曰  
誰不如曰然則止乎不狃曰惡賢徐步而死  
師獲甲首八十齊人不能師宵謀曰齊人遁  
冉有請從之三季孫弗許孟孺子語人曰我  
不如顏羽而賢於邴洩子羽銳敏我不欲戰  
而能默洩曰驅之公為與其嬖僮汪錡乘皆  
春秋左傳卷五十八 哀公三年 稽古樓



死皆殯孔子曰能執干戈以衛社稷可無殤也冉有用矛於齊師故能入其軍孔子曰義

也黨音掌瓘古喚反惡音烏綺魚綺反

齊為鄆故鄆在前年清齊地齊北盧縣東有清亭冉求魯人孔子弟子曰不能自度力不能使二子禦諸竟封疆竟內近郊地二子叔孫孟孫也屬臣屬也言不戰為不臣羣室都邑居家不欲戰言二子恨季氏

專政故不盡力使從於朝謂使冉求隨己之公朝黨氏薄朝中地名問戰問冉求也慮材量力言子所問非己材力所及故不能言謂我不成丈夫知冉求非己不欲戰故不對蒐閱也孺子孟懿子之子武伯懿顏羽邴洩二子孟氏臣樊遲魯人孔子弟子樊須用命言雖年少能用命有子冉求也徒卒步卒精兵雩門南城門也五日乃



從言不欲戰務人公爲昭公子保者保守  
城者事充言繇役煩政重言賦稅多言之  
不敢不勉謂旣言人不能死己不敢不死  
稷曲郊地名請三刻踰之與眾三刻約信  
如之如樊遲言乃踰溝師入齊軍謂冉求  
之師齊人從之逐右師二陳齊大夫之側  
孟氏族也字反曰馬不進不欲伐善不狃  
魯士五人爲伍敗而欲走曰誰不如言我

不如誰而欲走惡賢言止戰惡足爲賢皆  
無戰志徐行而死言魯非無壯士但季孫  
不能使甲首八十謂冉求所得也齊不能  
師言不能整其師謀閒也不如顏羽而賢  
於邴洩爲二子與孟孺子同車子羽顏羽  
銳精也敏疾也言欲戰默謂心雖不欲口  
不言奔驅之言驅馬欲奔皆俱也能衛社  
稷可無殤以時人疑童子當殤孔子曰義



言能以義勇不書戰不皆陳也不書敗勝  
負不殊

夏陳轅頗出奔鄭初轅頗為司徒賦封田以  
嫁公女有餘以為己大器國人逐之故出道  
渴其族轅咀進稻醴梁糗股脯焉喜曰何其  
給也對曰器成而具曰何不吾諫對曰懼先  
行咀況阮反糗起  
九反股丁斷反

封田封內之田悉賦稅之大器鍾鼎之屬

糗乾飯也具謂具此醴糗曰懼先行恐言

不從先見逐

不從先見逐  
不從先見逐公會吳子伐齊五月克博壬申至  
中軍從王胥門巢將上軍王子姑曹將  
下軍展如將右軍齊國書將中軍高無平將  
上軍宗樓將下軍陳僖子謂其弟書爾死我  
必得志宗子陽與閻邱明相厲也桑掩胥御  
國子公孫夏曰二子必死將戰公孫夏命其

春秋左傳

卷五十八

哀公

三

晉古樓



徒歌虞殯陳子行命其徒具含玉公孫揮命  
其徒曰人尋約吳髮短東郭書曰三戰必死  
於此三矣使問弦多以琴曰吾不復見子矣  
陳書曰此行也吾聞鼓而已不聞金矣甲戌  
戰于艾陵展如敗高子國子敗胥門巢王卒  
助之大敗齊師獲國書公孫夏閭邱明陳書  
東郭書革車八百乘甲首三千以獻于公將  
戰吳子呼叔孫曰而事何也對曰從司馬王

賜之甲劔鉞曰奉爾君事敬無廢命叔孫未  
能對衛賜進曰州仇奉甲從君而拜公使大  
史固歸國子之元寘之新篋製之以玄纁加  
組帶焉寘書于其上曰天若不識不衷何以  
使下國貪去聲鉞音普  
悲反製音慰

為郊戰故伐齊欲以報也博嬴齊邑也二

縣皆屬秦山中軍吳中軍胥門巢姑曹展

如三將吳大夫書子占也欲獲死事之功



相厲相勸厲致死子陽宗樓也國子國書  
一二子必死亦勸勉之虞殯送葬歌曲命徒  
歌之示必死子行陳逆也具含玉亦示必  
死約繩也八尺為尋吳髮短欲以繩貫其  
首三戰夷儀五氏與今茲多齊人也六年  
奔魯問遺也不復見子言將死戰聞鼓不  
聞金鼓以進軍金以退軍不聞金言將死  
也傳言吳師疆齊人皆自知將敗敗高子

齊上軍敗敗胥門巢吳上軍亦敗獻于公  
為公以兵從故以勞公叔孫武叔州仇曰  
而事何問何職也從司馬謂從吳司馬所  
命賜子貢孔子弟子拜謂拜受之歸國子  
之元歸於齊也元首也吳以獻魯鬻薦也  
不識不衷何以使下國正言天識不善故

殺國子

吳將伐齊越子率其眾以朝焉王及列士皆

春秋左傳卷五十八 哀公 三五 稽古樓



有饋賂吳人皆喜唯子胥懼曰是豢吳也夫  
諫曰越在我心腹之疾也壤地同而有欲於  
我夫其柔服求濟其欲也不如早從事焉得  
志於齊猶獲石田也無所用之越不為沼吳  
其泯矣使醫除疾而曰必遺類焉者未之有  
也盤庚之誥曰其有顛越不其則剝殄無遺  
育無俾易種于茲邑是商所以興也今莒易  
之將以求大不亦難乎弗聽使於齊屬其子

於鮑氏為王孫氏反役王聞之使賜之屬鏹  
以死將死曰樹吾墓檟檟可材也吳其亡乎  
三年其始弱矣盈必毀天之道也

音閭

豢養也若人養犧牲非愛之將殺之有欲  
於我謂欲得吳從事擊之石田不可耕盤  
庚商書也顛越不其從橫不承命者也剝  
割也殄絕也育長也俾使也易種轉生種

左傳

卷五十八

哀公

三

稽古樓



類屬其子於鮑氏謂私使人至齊屬其子  
改姓為王孫欲以辟吳禍反役艾陵役也  
屬鏤劍名盈必毀越人朝之伐齊勝之盈  
之極也為十三年越伐吳起

秋季孫命脩守備曰小勝大禍也齊至無日  
矣

善有備

冬衛大叔疾出奔宋初疾娶于宋子朝其姊

嬖子朝出孔文子使疾出其妻而妻之疾使  
侍人誘其初妻之姊寘於犁而為之一宮如  
二妻文子怒欲攻之仲尼止之遂奪其妻或  
淫于外州外州人奪之軒以獻恥是二者故  
出衛人立遣使室孔姑疾臣向魍納美珠焉  
與之城鉏宋公求珠魍不與由是得罪及桓  
氏出城鉏人攻大叔疾衛莊公復之使處巢  
死焉殯於鄆葬於少禘初晉悼公子憇亡在  
齊火左傳卷五十八哀公三老稽古



衛使其女僕而田大叔懿子止而飲之酒遂  
聘之生悼子悼子即位故夏戊為大夫悼子  
亡衛人翦夏戊孔文子之將攻大叔也訪於  
仲尼仲尼曰胡簋之事則管學之矣甲兵之  
事未之聞也退命駕而行曰鳥則擇木木豈  
能擇鳥文子遽止之曰國豈敢度其私訪衛  
國之難也將止魯人以幣召之乃歸

戊音茂  
度符洛

反

疾即齊也子朝宋人仕衛為大夫姊所娶  
女之姊子朝出奔也犁衛邑外州衛邑  
軒車也以獻於君遺疾之弟孔姑孔文子  
之女疾之妻為宋向魋臣城鉏宋邑桓氏  
出在十四年復之謂聽使還死殯葬終言  
疾之失所也巢鄆少禘皆衛地僕而田僕  
御田獵懿子大叔儀之孫悼子大叔疾夏  
戊悼子之甥翦削其爵邑胡簋禮器名夏

春秋左傳

卷五十八

哀公

三

稽古叢



曰胡周曰籓烏則擇木以烏自喻園文子  
名度謀也將止謂仲尼止魯人召之於是  
自衛反魯樂正雅頌各得其所

季孫欲以田賦使冉有訪諸仲尼仲尼曰邱  
不識也三發卒曰子爲國老待子而行若之  
何子之不言也仲尼不對而私於冉有曰君  
子之行也度於禮施取其厚事舉其中斂從  
其薄如是則以邱亦足矣若不度於禮而貪

冒無厭則雖以田賦將又不足且子季孫若  
欲行而法則周公之典在若欲苟而行又何  
訪焉弗聽

邱賦之法因其田財通出馬一匹牛三頭  
今欲別其田及家財各爲一賦故言田賦  
三發謂三發問卒終也不對不公答君子  
之行謂行政事以邱亦足邱十六井出戎  
馬一匹牛三頭是賦之常法弗聽爲明年



春秋

用田賦傳

和

春秋左傳註卷第五十八終



